

पधारो म्हारा बालाजी

जय हनुमाना वीर हनुमाना,
थारी करा मैं जय जयकार,
पधारो म्हारा बालाजी,
जय हनुमाना वीर हनुमाना.....

राम जी रो थारे दरबार भावे,
श्याम जी रो थारे दरबार भावे,
अठे लग्यो है श्याम दरबार,
पधारों म्हारा बालाजी,
जय हनुमाना वीर हनुमाना.....

ध्वजा नारियल थाने चढ़ावा,
सवामणी को थने भोग लगावा,
थारी घणी करांगा मनुहार,
पधारों म्हारा बालाजी,
जय हनुमाना वीर हनुमाना.....

संकट मोचन नाम है थारो,
भगता का थे तो संकट टारो,
थारी भगता ने दरकार,
पधारों म्हारा बालाजी,
जय हनुमाना वीर हनुमाना.....

'संजय' कवे बाबा थारा गुण गाऊं,
थारा गुण गाऊं मैं तो हाजरी बजाऊं,
मैं तो मंगल और शनिवार,
पधारों म्हारा बालाजी,
जय हनुमाना वीर हनुमाना.....

जय हनुमाना वीर हनुमाना,
थारी करा मैं जय जयकार,
पधारो म्हारा बालाजी,
जय हनुमाना वीर हनुमाना.....

<https://bhajanganga.com/bhajan/lyrics/id/30411/title/padharo-mhara-balaji>

अपने Android मोबाइल पर [BhajanGanga](#) App डाउनलोड करें और भजनों का आनंद ले |